



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. III. Solvuntur alia argumenta ex ratione petita,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

ta: cùm enim ipse interpretetur Origenem, alioſ. que SS. Patres aſſerentes res ſciri à Deo, quia futuræ ſunt; & dicat hoc eſſe verum à posteriori, & ſecundūm cauſam conſequentiæ, ſicut nos reſpondemus; velint noſtrām reſpoſionem alie- nam eſſe à mente D. Thomæ, cuius tamen ipſe eſt author conceptiſ verbis.

Lectori facillimum erit quibuslibet teſtimoniis Sanctorum Patrum que ab Adverſariis proferuntur, quam voleret ex hiis, & que cuique comoda erit, expoſitionem applicare.

78. Sed contra ultimam ex D. Thoma deſumptam, tripliciter instant Recenſiores, & dicunt primò, quod Sancti Patres loquentes de peccatis futuriſ, illam contrapoſitionem faciunt: *Non ideo ſunt futurae, quia ſciuntur à Deo; ſed ideo ſciuntur, quia futurae ſunt:* Ergo niſi a quicunque nimis loquuntur, in eodem ſenſu accipi debet particula, *ideo*, in utroque extremo contrapoſitionis: At ſi accipiat ut purè illatiua, non minus eſt verum, ſi dicatur: *Quia ſciuntur peccatum ideo erit; quām ideo ſciri quia erit:* cùm non minus infeatur ex praefienti futurito peccati, quām ex futuritione praefientia: Ergo utrumque concedendum eſſet: unde cùm unum concedant, & aliud negent, maniſtum eſt illos in ſenſu cauſali, non autem purè illatiua locutos eſſe.

Secundò instant ex verbiſ Justini Martyris ſuprā relatiſ, quibus exprefſe aſſerit, futuritionem eſſe cauſam diuinae praefientie: *Non eſt*, inquit, *prenotio cauſa ejus quod futurum eſt, ſed quod futurum eſt cauſa eſt prenotio.*

Tertiò inſurgit Arrubal ex verbiſ Origeniſ, qui reddens rationem cur Dei prenotio non ſit cauſa futuritionis rerum, ſic ait: *Eiſi fingamus Deum non preconocere aliiquid futurum, tamen futurum ſine dubio erit.* Quibus verbiſ Origenes probat Dei ſcientiam non eſſe cauſam futuritionis rerum, quia quamvis illam ſeparemus à Deo, non ideo compellimur negare rerum futuritonem. Quo argumento communiter uti ſolemus, ad probandum unum non eſſe cauſam alterius: Ergo juxta Origenem, non ideo res futurae ſunt, quia ſciuntur à Deo, ſed ideo ab illo ſciuntur, quia futurae ſunt.

79. Ad primam instantiam dicendum eſt, non eſſe neceſſarium quōd particula, *ideo*, in utraque propositiōne, in eodem ſenſu accipiat, ſed illam in una poſſe accipi in ſenſu illatiua, & in alia in ſenſu cauſali: quia diuerſitas illa acceptionis deſervit ad Sanctorum Patrum intentum, quod eſt ſalvare contra Manichaos, Deum non eſſe cauſam peccati. Maximè, quia Eccleſiae Patres, ſep̄e quando unum errorem impugnat, ſolent in apparentia in oppofitum declinare; & ſic non mirum, quōd intendentis ſalvare Dei ſcientiam non eſſe cauſam peccati, utantur verbiſ p̄eſeſerentibus cauſalitatē peccati in diuinam praefientiam. Unde in hoc ſenſu debeat intelligi verba Justini Martyris in ſecunda instantia relata; & per hoc patet reſponſio ad illam.

Ad tertiam dicatur, Origenem in hiſ verbiſ locutum eſſe de peccatis futuriſ, quorum quia non eſſe cauſa diuina praefientia, reſtē dicit quōd etiam ſi fingamus Deum ea non preconocere, illa nihilominus futura eſſent.

§. III.

Solvuntur alia argumenta ex ratione petita.

Pater hęc teſtimonia Sanctorum Patrum, in quibus p̄cipuum robur ſuę ſententię conſtituant Adverſarij, arguit Vazquez contra noſtrām conſlusionem, hoc modo. Quelibet ſcientia ſuum objectum ſupponit, & non facit: Ergo cùm ſcientia viſionis terminetur ad res, ut futurae & exiſtentiae, non facit, ſed ſupponit illarum futuritionem, & exiſtentiam: ac p̄oinde non ideo res ſunt futurae, quia ab illa ſciuntur, ſed potius ideo ab illa ſciuntur, quia futurae ſunt. Conſequentiā patet, Antecedens vero probat tripliciter. Primo ex Auguſtino libro 4. ſuper Genes. ad litteram, ubi ſic habet: *Nec enim cognitio fieri potest, niſi cognoscenda praeceſt.* Secundo probat idem Antecedens: Intellectus (inquit) ideo dicitur verus, quia intellegit rem eſte ut eſt; non vero eſt contra ideo res ſunt verae quia adæquantur intellectui eis cognoscenti. Tertiò probat a ſimiſi, ſcientia ſimpliſi intelligentia rerum poſſibilitatem ſupponit, quia hęc eſt illius objectum: Ergo cùm exiſtentia, & futurito rerum, ſint objectum ſcientia viſionis, illa debet pariter ſupponere rerum futuritionem.

Confirmat hęc argumenta: Omnis cauſa ſuum effectum praeceſtere debet: At notitia intuitiva, nequit praeceſtere, exiſtentiam ſuę objecti, cùm illam habeat pro objecto: Ergo nequit illam cauſare, ſed neceſſario debet illam ſupponere.

D Ad hęc argumenta ſufficienter reſponſum eſt articulo praeceſtenti, ubi ſimiſi proponiſiſ & folviuiſi: ut tamen Adverſarii pleniū reſpondeamus, & illis ſatisfactionem, non ſolum condignam & rigorosam, ſed etiam ſuperabundantem ac excedentem exhibeamus, iterum reſpondeo diſtinguendo Antecedens: Quelibet ſcientia ſuum objectum ſupponit, & non facit: ſi ſit tantum ſpeculativa, concedo. Si ſit eminenter ſpeculativa & practica, nego. Vel ſi ſit menſuratur a rebus, concedo. Si ſit menſura rerum, nego. Scientia autem viſionis in Deo, non eſt purè ſpeculativa, ut ſupponit Vazquez, & non probat / cùm tamen in illius probatione, totum ferè negotium hujus diputationis conſiſtat / nec menſuratur a rebus, ſed potius eſt illarum regula & menſura.

E Ex hoc facile reſpondetur ad omnes probationes, quas ille Author inutiliter & otiosè multipli- cat. Ad primam enim dicendum, D. Auguſtinum loqui de cognitione purè ſpeculativa.

Ad ſecondam ſimiſiter reſpondetur, intellectum qui non facit, ſed ſupponit ſuum objectum, & qui menſuratur a rebus, ideo eſſe verum, quia cognoscit rem ſicuti eſt: ſi autem ſuum objectum faciat, & ſit menſura rerum, ideo reſunt verae, quia ab illo cognoscuntur: unde, ut ſuprā vidimus, D. Thomas, variis in locis, hoc inter intellectum diuinum & crea- tum diſcriben- ſtat, quod intellectus crea- turus ſupponit veritatem in rebus, & non facit; intellectus vero diuinus eſt cauſa & menſura totius veritatis, quæ innenitur in rebus: ſicut ejus amor eſt ponens & infundens totam bo- nitatem & perfectionem, quæ in eis reperitur: unde ſicut reſ non amantur a Deo, quia ſunt bona; ſed potius ideo ſunt bona, quia ab illo diliguntur: ita ſimiſiter intellectus diuinus, ideo non eſt verus, quia rebus adæquatur; ſed

DE CAVSALITATE SCIENTIÆ DEI. 221

potius idēo res sunt veræ, quia illi adæquantur.

Ad tertiam, dato Antecedente, nego Consequentiam & paritatem: scientia enim simplicis intelligentia, cùm sit pūrē speculativa, non facit, sed supponit suum objectum: scientia autem visionis, cùm sit eminenter speculativa & practica, illud non supponit, sed efficit, ut suprà fūsē declaravimus: unde quamvis detur quid scientia simplicis intelligentia non faciat, sed supponat rerum possibilitatem; negari tamen non debet, scientiam visionis esse causam existentiae & futuritionis illarum.

Ad confirmationem dicendum est de ratione causa: non esse quid antecedat effectum, prioritate in quo, seu temporis; sed solum prioritate à quo, seu natura: de ratione autem notitiae, seu cognitionis intuitivæ, solum esse simultatem in quo respectu objecti, non autem simultatem excludentem prioritatem naturæ, seu à quo, ut articulo precedenti declaravimus.

ARTICVLVS IV.

An sit admittenda in Deo potentia aliqua executiva, virtualiter ab eius intellectu & voluntate distincta?

83. **R** Esolutor hujus difficultatis, necessaria est ad plenam, & perfectam intelligentiam eorum quæ de divinæ scientiæ causalitate huc usque diximus: unde quamvis de illa dispergunt plures Theologi cum Sancto Thoma infra quæst. 25. ubi agit de divina potentia; eam tamen hic infiramus, ac præcedentibus articulis adjungimus, veluti appendicem, & complementum hujus disputationis. Ut autem status quæstionis clarè percipiatur.

84. Observandum est, quid in actibus agentis spiritualis duplex soler ordo distingui: unus dicitur intentionis, qui incipit à cognitione & intentione finis, & terminatur ad electionem mediiorum: alter executionis, qui incipit ab actu subsequenti electionem, & terminatur ad externam operis positionem. In nobis ergo antequam aliquem finem consequamur, debet primò præcedere cognitio illius, secundò ejus intentio, tertio consilium de mediis eligendis, quartò judicium sive sententia, quæ judicatur hoc vel illud medium esse conveniens, quinto sequitur electio ipsius voluntatis, & in ea terminatur ordo intentionis. Sed quia parvum prodesset bene eligere, si desellet executio, ideo post electionem sequitur actus intellectus qui dicitur imperium, quod scilicet mediorum electorum executio imperatur: post actum imperij est usus actius, quod voluntas applicat potentias executivas ad opus, v.g. manum artificis ad parandos lapides, dolanda ligna &c. Denique est ipse actus potentia executiva sic applicata, qui dicitur *usus passivus*, ad quem sequitur positiō operis, & consecutio finis. Quæritur ergo, an sicut in nobis datur aliqua potentia executiva, ab intellectu, & voluntate realiter distincta, que ut applicata a voluntate, operatur & producit res ad extra: ita etiam in Deo similis potentia admittenda sit ab ejus intellectu, & voluntate virtualiter sātem distinta: vel an voluntas divina, ut ab intellectu directa, per scientiam simplicis intelligentiæ, aut intellectus ejus practicus, ut motus, & applicatus à

Tom. I.

A voluntate, per scientiam visionis, sit principium immediatè productivum, & effectivum rerum ad extra?

Prima sententia admittit in Deo potentiam aliquam executivam, ab ejus intellectu & voluntate virtualiter distinctam. Ita Durandus in 1. dist. 38. & Suarez in Metaphysica disput. 30.

Secunda existimat, potentiam executivam in Deo, esse voluntatem, ut connotat intellectum dirigentem. Ita Vazquez h̄c disp. 102. cap. 3. & plures ex Recentioribus.

Tertia vero quæ est communis in Schola D. Thomæ, docet talē potentiam in Deo esse intellectum ejus practicum, ut motum, & applicatum à voluntate, illumque producere res ad extra, per actum imperij, formaliter immanem, & virtualiter transeuntem.

§. I.

Suaris Sententia rejicitur.

D Ico primò, non dari in Deo potentiam executivam, ab intellectu, & voluntate virtualliter distinctam.

Colligitur ex D. Thoma variis in locis, in quibus docet scientiam Dei esse causam rerum, secundum quod habet voluntatem conjunctam, & in Deo suum intelligere, & suum velle, esse suum facere: quæ falsa essent, si in eo daretur potentia aliqua executiva, ab ejus intellectu & voluntate virtualiter distincta. Unde idem S. Doctor, 1. p. quæst. 25. art. 1. in secunda solutione 4. argumento dicit, *Scientia vel voluntas divina, secundum quod est principium effectivum, habet rationem potentie.*

Eadem veritas hac ratione suaderetur: Deus est simplicissimus, & naturæ pūrē intellectualis: Ergo in illo non debent admitti alia potentia, nisi illæ quæ pertinent ad gradum intellectivum: Sed ad gradum intellectivum non pertinent alia potentia, quām intellectus & voluntas: potentia enim executiva, secundum se est potentia bruta, nullamque præsupponens essentialiter cognitionem: unde in Angelis non admittitur talis potentia, ut distincta ab illorum intellectu & voluntate, sed illi operantur ad extra per actum imperij, virtualiter transeuntem, ut docet Sanctus Thomas opusc. 11. art. 3. ubi dicit, *Angeli movent caelos conceptione sui intellectus efficaci.* Ergo non datur in Deo potentia executiva, ab intellectu & voluntate virtualiter distincta.

Confirmatur: Ideo in nobis admittitur potentia executiva, distincta ab intellectu & voluntate; quia non sumus naturæ simplicis, sed mixta ex spirituali, & corporeo, vel quia in nobis distinguuntur usus actius ab imperio: nam postquam diximus apud nos, *fiat hoc*, debemus organa applicare ad executionem illius deliberationis i vel denique, quia in nobis voluntas est inefficax, nec volendo potest operari; & similiter intellectus noster, respectu objectorum, est mērē speculativus, & non practicus. Sed ha omnes rationes cessant in Deo, ipse enim est naturæ simplicissime, & pūrē spiritualis; imperium ejus quid dicit, *fiat hoc*, non ordinatur ad seipsum applicandum ad opus, sed ad ipsam rem immediate exequandam. Denique intellectus, & voluntas in Deo, non sunt potentia pūrē speculativa, sed etiam practica: unde D. Thomas, & alii communiter ponunt hanc differentiam inter actus creatos & increatos cognitionis & amoris,

Ee iiij

86;

87;

88;